



Broj: 03/1-50-14-7-40-4/17

Sarajevo, 23. 10. 2017.

**PREDMET:** Informacija o sastanku Sifeta Podžića, predsjedavajućeg ZK za odbranu i sigurnost BiH, s članovima Komisije za vijeća i unutrašnje poslove Islamske savjetodavne skupštine Irana, 31.8.2017.

Parlamentarna delegacija Islamske Republike Iran predvođena Ahmadom Alirezom Beygijem, predsjednikom Komisije za vijeća i unutrašnje poslove Islamske savjetodavne skupštine IR Iran, razgovarala je u Sarajevu 31.8.2017. sa Sifetom Podžićem, predsjedavajućim ZK za odbranu i sigurnost BiH.

Tokom sastanka razmijenjene su informacije o načinu i rezultatima rada dvije parlamentarne komisije, u čijim nadležnostima je, između ostalog, i nadzor nad radom državnih policijskih agencija.

Razmijenjena su i iskustva predstavnika parlamenata BiH i Irana u suočavanju s krizama koje izazivaju elementarne nepogode. Zahvaljujući se članovima delegacije iranskog parlamenta na pomoći njihove zemlje u ublažavanju posljedica katastrofalnih poplava koje su prije nekoliko godina pogodile Bosnu i Hercegovinu, predsjedavajući Zajedničke komisije za odbranu i sigurnost BiH naglasio je da se pripadnici Oružanih snaga BiH, kao i pripadnici vatrogasnih jedinica i civilne zaštite u posljednja dva mjeseca ulažu ogromne napore i postižu izuzetne rezultate u gašenju požara širom naše zemlje.

U razgovoru je izražena i zabrinutost zbog rastućeg radikalizma i sve češćih terorističkih napada širom svijeta.

Razmotrene su i mogućnosti unapređenja saradnje radnih tijela parlamenata BiH i Irana, te je konstatirano da češći susreti parlamentaraca dvije prijateljske zemlje mogu doprinijeti i jačanju ekonomske saradnje.

Predsjedavajući Zajedničke komisije

**Sifet Podžić**

**Dostavljeno:**

- naslovu
- a/a